



SINDIKAT BH TELECOMA-SARAJEVO
- VIJEĆE ZAPOSLENIKA -
Zmaja od Bosne 88 71000 Sarajevo; Bosna i Hercegovina
Tel: +38733 654067 ; Fax : +38733 654050
Mail : sindikat@bhtelecom.ba

Na osnovu člana 52. Statuta Sindikata BH Telecoma, Centralni odbor Sindikata BH Telecoma na svojoj sjednici održanoj 12.09.2014. godine donosi:

KODEKS ČASTI SINDIKATA BH TELECOM

I . OPĆA NAČELA

Pravo na samostalno i dobrovoljno udruženje, slobodu izražavanja i kritiku jedno je osnovnih prava svakoga ljudskog bića bez obzira na spol, rasu, nacionalnu pripadnost, vjeroispovijest i političko opredjeljenje.

U svojem radu članovi Sindikata BH Telecom su dužni braniti ljudska prava, dostojanstvo i slobodu, uvažavati pluralizam ideja i mišljenja, pridonositi jačanju pravne države i kao demokratski dio javnosti sudjelovati u kontroli nad djelovanjem vlasti i politike.

Članovi Sindikata BH Telecom-a se moraju pridržavati Ustava i pozitivnih zakona Bosne i Hercegovine, Statuta SBHT i akata Međunarodne organizacije rada (MOR) kao i drugih akata o slobodi rada, kolektivnog pregovoaranja i izražavanja. Članovi Sindikata BH Telecom se pridržavaju, Općeg kolektivnog ugovora FBiH, Kolektivnog ugovora za područje telekomunikacija u FBiH, Statuta Sindikata BH Telecom kao i drugih akata koja definišu organizovanje zaposlenika u BiH.

Svi članovi Sindikata BH Telecom obavezni su pridržavati se najviših profesionalnih i etičkih načela. Ovaj kodeks mjerilo je takvih načela, te istovremeno štiti neotuđiva prava pojedinaca.

II. PRAVA I DUŽNOSTI

1. U obavljanju svojeg posla i djelovanja član Sindikata BH Telecom se mora rukovoditi općim načelima i etikom sindikalnog djelovanja. Članovi Sindikata BH Telecom su organizovani u udruženje dobrovoljno, slobodnim izborom, radi zaštite zajedničke afirmacije ekonomskih i radničkih interesa, te stalnog poboljšanja svog materijalnog i socijalnog položaja.

Polazeći od načela da su u demokratskom društvu pravo na rad, sindikalno organizovanje i zaštita prava zaposlenika u skladu sa usvojenim aktima koji tretiraju ta prava slobodni, član Sindikata BH Telecom za svoj rad i ponašanje snosi odgovornost pred javnošću, zakonom i pred Sindikatom BH Telecoma te svojom sindikalnom organizacijom.

2. Član Sindikata BH Telecom ima obavezu da :

- obavlja poslove u skladu sa Statutom i Programskim osnovama SBHT,
- sudjeluje u svim sindikalnim akcijama na provođenju Programskih osnova SBHT, odluka SBHT, OSO i ostalih nadležnih tijela SBHT u skladu sa Statutom,
- savjesno i odgovorno obavlja izbornu funkciju u bilo kojem tijelu SBHT,
- prati i ukazuje na kršenja Kolektivnog ugovora, Pravilnika o radu i ostalih zakonskih i podzakonskih akata,
- sudjeluje u protestu i štrajku kojeg organizuje u raznim akcijama SBHT i OSO,
- suprotstavlja se svim otporima i nedemokratskim postupcima koji se javljaju prilikom provedbe Programskih osnova i odluka SBHT,
- redovno izmiruje članarinu,
- čuva ugled Sindikata BH Telecoma,
- poštuje i uvažava Odluke i zaključke Skupštine, Centralnog odbora i nosioca funkcija u Sindikatu BH Telecom.

3. Član Sindikata BH Telecom kao i svaki građanin ima pravo na svoje političko i drugo opredjeljenje i angažiranje ukoliko nije: Predsjednik SBHT, predsjednik Nadzornog odbora i predsjednik Statutarne komisije. Član Sindikata BH Telecom u svom javnom djelovanju je neovisan od utjecaja posloводства, poslodavca i njihovih udruženja, državnih organa, političkih stranaka, vjerskih zajednica i ostalih organizacija, a svoje djelovanje temelji shodno zakonima i propisima Federacije Bosne i Hercegovine.

4. Član Sindikata BH Telecom ima pravo pristupa dokumentaciji i izvorima informacija Sindikata BH Telecom-a kao i pravo da slobodno istražuje sve činjenice za koje smatra da mogu dovesti do prava koje omogućuje zaštitu prava članstva.

Bude li član Sindikata BH Telecom neopravdano spriječen da dođe do tražene informacije, ima pravo o tome obavijestiti sindikalne organizacije.

Člana Sindikata BH Telecom-a obavezuje, odredba Sindikata BH Telecom o čuvanju tajne. Član Sindikata BH Telecom poštuje embargo na objavljivanje pojedinih informacija ako je donesen od strane organa upravljanja ili nosioca funkcija u Sindikatu BH Telecom

5. Pri diskutovanju, polemiziranju ili raspravljanju, a posebno u komentarima i polemičkim tekstovima, član Sindikata BH Telecom je dužan poštivati etiku javne riječi i kulturu dijaloga, te uvažavati dostojanstvo i integritet osobe s kojom polemizira.

6. Rad člana Sindikata a posebno organa upravljanja i nosioca funkcija podložen je kritici članstva. Nosioci funkcija i organa upravljanja obavezni su da se pažljivo

odnose prema svim prijedlozima, preporukama, primjedbama i kritikama koje im se upućuju.

7. Članovi Sindikata BH Telecom surađuju među sobom i njeguju kolegijalne i drugarske odnose kao i profesionalnu solidarnost.

III. ZAVRŠNE ODREDBE

Član Sindikata BH Telecom koji radi u skladu s ovim Kodeksom uživa podršku organa upravljanja, nosioca funkcija i sindikalne organizacije. Statutom Sindikata BH Telecom ili Pravilnikom Suda časti određene su sankcije za povredu Kodeksa.

Za zaštitu i primjenu Kodeksa časti nadležan je Centralni odbor Sindikata BH Telecom.

Kodeks stupa na snagu danom usvajanja na sjednici Centralnog odbora Sindikata BH Telecom.

CENTRALNI ODBOR SINDIKATA BH TELECOM